

Il mê s di Avost al è un mê s di strache e di sflacje, so redut se no si pues lâ tant ator e tant in feriis. E l'Ostîr e la Coghe a puedin ancje disvelâ che a àn vût cualchi fastidi a meti dongje lis ideis par l'argoment dal mê s di Avost.

No si rivave a cjatâ nuie di furlan e vonde, ma une robe e je, che propite ta chest mê s nus mancje plui di altris, a ducj nô furlans. Une robe che dilunc chestis seris cjaldis e revoce in tancj paîs, chei granç, chei piçui e parfin tai borcs. No us disin cuâl che al è il teme de conte, lu scuvierzarês domenie di sere cuant che puntuâl come ogni sedis dal mê s us rivarà te mail (e ocjo a cjalâ la casele des "promozioni") la nestre Conte dal Mês.

E us podìn za disi che nol è stât un mê s di sflacje, ma e je saltade fûr la conte di sigure plui colorade di dutis, **stant che l'Ostîr al à pensât ben di scrivi une conte par fruts. E ce**


conte par fruts e saressie se no vês i dissens? E alore ve chi un, juste par viodi che a son fats une vore a la buine, ma che al è biel cussì, ogni tant, di gjoldi i colôrs plats come une bree e restâ lizêrs. **E l'articul de Coghe Fuguline, invece, al è vignût lunc e une vore plen di informazions e curiositâts,** e us garantìs che di une bande us vignarà un sens di mancjance, ma di chê altre no viodarês la ore che al vegni chest an che al ven e che si puedi recuperâ lis robis pierdudis.

Ise finide chi? No! La Sartore e l'Ostîr a àn vude une idee, che strade fasint si è dopleade e a son diventadis dôs. **Une e je une sorprese che e rivuardarà i 150 di lôr che, in chest moment, a son iscrits ae Liste di Contecurte.** La seconde al è **un zûc par testâ la vuestre cognossince dal furlan** pôc convenzionâl e par scuvierzi di ce che si trate no vês di fâ altri che iscrivisi ae liste.

E ancje se no us interessin lis robis par furlan, chest colp al vâl la pene di jessi iscrits ancje dome par **ricevi la conte cu la cuvierte gjavade fûr di un dissen dal Ostîr,** che al è forsit chel che i è vignût plui ben di ducj.

Insome... us vino fat vignî gole? **Iscriveisi ae liste di Contecurte e fasêt iscrivi cui che o vês gust che al ricevi la conte.** E je di rive jù e insome... ai regâi no si dîs mai di no. E che chest mê s al è dut di gjoldi!

A proposit... la Conte dal Mês di Avost si intitule: **POMIS**



La Conte dal Mês di Avost

Mandi a ducj

Chei di Contecurte